

7) *A VIRGIN UNSPOTTED*

1 Unn wyrghes pur wynn, herwydh geryow an El,
re dhineythis unn flogh, dell brofeuzis yn lel,
a vernans hag ifarn 'gan Selwyas dhe voz,
hag a'n pegh a wrug Adam ha mebyon y woez.

BURDHEN: Ay, ytho, bedhewgh lowen, dialar ha lowen,
drewgh moredh yn mes;
'Ma Yesu agan Selwyas devedhys yn kres!

2 Yn Bethlehem Yuda y hwarva an dra
may teuth di Maria ha Yosep yn ta.
Ha Sesar a erghis dh'y duz y'n keth pryz
nivera an werin dres oll na norvys.

3 Pan wrussons i doz bys yn sita hware
y hwelons i routhow a duz yn pub le.
Boghozek dell ens i ow hwilas a-dro,
ny allsons i kavos na trigva na to.

4 Wor'tiwedh dhe vowji uvel i a dhe'th,
ha herwydh asenes hag oghen ynwedh:
erberow pur isel dhe'n dhewbries hwar.
Ha Yesus 'veu genys yn myttin a-varr.

5 Dhe nebes bugeledh ow koelyas yn praz
y teuth di an El, kannas Duw agan Taz:
yth erghis ev dhedha: "Na berthewgh ahwer,
'ma genys dhywgh hedhyw unn Selwyas pur ger."

6 Hag ena 'n vugeledh a viras yn-bann
orth luyow a eledh golowys yn splann
ow kewsel ha kana, mar hweg aga lev:
"Pub gordhyans re bo dh'agan Taz ni yn Nev!"

- Traditional English carol.
- Translated into Cornish by Tony Snell, 1978.